



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

24. Dies Augusti. In æternum benedicens æterno; illi necessè est, maneat
coæternus. S. Hilarius in Psalm. 144.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

664. *Christiani Militis.* Augustus,
criminibus, omnium actionum suarum merita in
lytrum æterno Patri offert. Quale illud est? An non
tibi supra modum singulos nos amare videtur? quos
tanti amat, quanti emeret mundos innumeros? ne-
que solùm emat, sed per singula sacrificia pretium
offerat. Jam verò, sic agit, ut nos multò pluris face-
re videatur, quàm se, & omnia sua, cum & se, & sua
omnia, non semel, non uno tempore, sed tot in Alta-
ribus, & per tot Sacerdotes, in lytrum singulorum
tradat, & usque ad mundi finem sit traditurus:

Christus dum Patri se tradit, crimina radit.

24. DIES AUGUSTI.

In æternum benedicens æterno; illi necesse est, ma-
neat coæternus. *S. Hilarius in Psalm. 144.*

Sacrifi- I.
cium est
Latreuti-
cum.

D, Hilarius invitans nos ad pi-
hilaria in cœlis, vult, ut illis
fruemur, nos hîc benedicere,
sive quod idem, perpetuò lau-
dare Deum: In æternum, inquit, benedicamus Æter-
num; quia in æternum benedicens Æterno; illi necesse
est, maneat coæternus. Finis præcipuus, qui intendi-
tur in Sacrificio, est; ut illo Divinam excellentiam,
supremumque mortis, ac vitæ Dominum in Deo
testemur: in qua protestatione inest supremus cul-
tus, Soli Deo debitus; cui attributa est Nomencla-
tio *Latreutici*. Quantum laborârunt viri Apostoli-
ci, ut Dei gloriam propagarent, Evangelicam do-
ctrinam per totum orbem promulgando, & tot
hominum myriades ad Christi Fidem converten-
do. Quantum gloriaretur, qui omnes in Anglia,
Scotia, Suecia Hæreticos; omnes per totam Græ-
ciam,

ciam, Schismaticos; per totam Turciam Mahometanos; per totam Indiam, Barbaros; per univcrsum Orbem, Gentiles ad Christi Ecclesiam adduxisset: nonne ille judicaretur gloriam Dei in immensum auxisse? Tamen certum est, plus Dei gloriam amplificari unico Missæ Sacrificio, quàm tot ac tam heroicis operibus. Miraris fors dicti insolentiam? adeoque existimabis illud incredibile? Itaque superest, id ratione convincamus.

II. Illud est indubitatum: Omnis illa mortalium laus, quæ nasceretur ex conversione omnium hominum ad Fidem Christianam; & omnis quoque gloria, quæ inde in Deum redundaret; licet totâ æternitate duraret, non posset æquare unicum actum amoris, quem Christus eliceret erga Patrem; Verbi gratiâ, si Christus unico momento eliciat actum unum amoris in Patrem; illo uno plus Deo accederet gloria, quàm si omnes, & Gentiles, & Hæretici ad Deum converterentur; imò, & ad summum perfectionis gradum eveherentur. Si hoc verum est, quanta accessit Deo gloria, laus, & honor ex uno Sacrificio; quandoquidem in eo Christus ipse semetipsum Æterno Patri consecrat? Plus enim, incomparabiliter est Christum offerre se totum Patri, quàm actum aliquem sui; quia dum se offert, tunc Patri offert fontem immensæ dignitatis, & innumerorum amoris ipsius actuum. Sed altius adhuc ascendamus. Confer omnes Beatorum, seu Angelorum, seu hominum laudes, cum iis, quæ reddi possunt Deo, ab omni multitudine eorum, quos Deus potest creare. Tum verò collige, si potes, omnes eas laudes, quæ totâ æternitate ab iis possunt manare: certum

tum est, totum istum cumulum ab unico actu amoris, quem Christus elicit, in immensum superari; adeoque Deo incomparabiliter majorem gloriam, & laudem conferre; quam omnes Angeli, & homines qui sunt, & esse possunt, totâ æternitate conferent.

III. Jam verò, compone illum unicum Christi actum, cum iis omnibus, quos ipse potest animo concipere: certum est, totum hunc cumulum, multo minus Deo, gloriæ adferre posse; quam unico Militis Sacrificio procuretur; quia per sacrificium ipsemet Homo-Deus in Altari constituitur, ad Patris gloriam: qui haud dubiè plus valet, quam omnes ipsius actus; cum hi, omnem suam dignitatem eo mutantur. Atqui, cum Christum, in Sacrificium Aeterno Patri offers, aut offerri curas, aut ritè ades offerens, & ipsum, & ejus amorem, & omnes ejus virtutes, & perfectiones, & studium in Patrem, & laudem, & gloriam ex Sacrificio efflorescentem simul offers; adeoque gloriam multis nominibus immensam, & titulis infinitam. Enimverò, Sacerdos verè sacrificat, verè igitur, totam gloriam Sacrificio contentam, Deo litat: atque adeò immensa illa gloria eam reverrà impertit. O igitur, amoris Eucharistici vim admirabilem! O amabile paradoxum! Uni mortali, & abjecto homuncioni, facultatem datam esse, Deum illustriori honore afficiendi, quam data sit Cælitibus omnibus: eundem ipsum Deum amplius honorare, & colere, dum etiam parum piè, ac religiosè liturgiam facit; quam æternitate totâ honoratum sunt, aut honorare possunt Cælitæ omnes: etiam ii, quos Deus præstantiores, pluresque condere potest. Quid plura? Eundem ipsum miserum, & vilem homuncio-

Augustus.

Tessera.

667

muncionem, plus ad gloriam Divinam conferre, quam si res omnes etiam possibiles in linguas convertat, imò in præstantissimos Seraphinos, qui Deum & ardentissimè adament, & æternum laudent. Quàm ergò necesse est gratum esse unicum Sacrificium: cum inde tanta Deo resultet laus, & gloria; & cum ille laudis suæ, & gloriæ sit cupidissimus: cum nemo sit, qui non sit laudis avidus; prout canit Poëta:

Nemo tam pravus, qui non sit laudis avarus.

25. DIES AVGVSTI.

Unde majores DEO agenda sunt gratiæ, quam ipsius gratia per Dominum nostrum Jesum Christum? *S. Augustinus contra advers. Legis, & Proph. l. i. c. 18.*

Sacrificiū I.
Missæ, est
Eucharis-
ticum.

Non tot scater aër atomis,
quot homo Dei beneficiis.
Ubi, gratiæ est collatio, illic
requiritur gratiarum actio.

Sed, sicut nulla est proportio unius puncti ad immensitatem: sic nec ulla inter nostram erga Deum benevolentiam, & Dei erga nos beneficentiam. Christus non nescius, nos rependendæ pro tot beneficiis gratiæ impares esse: ipse, ut non dives minus, quam in nos propensus est, egestati illi nostræ miro modo consultum voluit. Ille rationem nobis optimam subministravit, par Dei meritis in nos, grati animi pignus, dignasque gratias referendi, dum in usus nostros Sacrificium Eucharisticum instituit: utpote, ut ipsa vox Eucharistia sonat; institutum est
ad be-